

DIE Hooglied van Salomo.

2:10 [DIE VROU KWOTEER DIE MAN:] My Beminde begin toe en sê vir My: **Staan op, My vriendin, My skone, kom dan tog!**

2:11 Want kyk, **die winter is verby**, die reëntyd is oor, dit het verbygegaan.

2:12 Die bloeisels word gesien in die Aarde, die sangtyd het aangebreek, **en die Tortelduif laat Haar Stem hoor in Ons Aarde.**

2:13 Die **Vyeboom** laat Haar voorvye uitswel, en die **Wingerdstokke** wat bot, versprei aroma. **Staan op, My vriendin, My skone, kom dan tog!** [MattithJaHûW 24:32]

2:14 **My Duif in die rotsklowe**, in die skuilplek by die krans, laat My U gedaante sien, **laat My U Stem hoor; want U Stem is soet, en U gedaante is lieflik.**

2:15 Vang julle vir Ons die jakkalse, die klein jakkalse wat die Wingerde verniel, want Ons Wingerde staan in die bot.

Odes van Salomo 24

24.1 **DIE Duif** het afgevlieg op die hoof van ons Meester, ons Gesalfde, want **Hy was Haar hoof.**

2 Sy het oor Hom gesing, en **Haar Stem is gehoor.** [MattithJaHûW 3:16-17]

3 Die bewoners het gevrees, en die **verbasterdes** het gesidder.

4 Die **vlieënde wesens** het opgevlieg en al die **reptiele** is dood in hulle gate.

5 En die **Afgrond is geopen** en weer toegemaak, en hulle het die Gesalfde gesoek soos diegene in barensnood;

2:16 [DIE VROU:] My Beminde is Myne, en Ek is Syne wat **Herder** is onder die lelies.

2:17 Totdat die aandwind waai en die skaduwees vlug, kom aan, My Beminde, maak soos die gemsbok of soos die jong takbok op die berge van skeiding.

**Hoogl 3:11** Kom uit, **Dogters van Sion**, en aanskou met Vreugde die Koning Salomo, die **Kroon waarmee Sy Moeder Hom bekroon het** op Sy troudag en op die dag dat Sy hart vrolik is. [Boekrol van Henog 48:1; 2 Ezra 7:26; Spreuke 12:4]

**Hooglied 4:9 [DIE MAN]** U het My Hart gesteel, My Susterbruid, U het My Hart gesteel met een [straal] van U oë, met een kettinkie van U halssieraad.

4:10 Hoe skoon is U liefde, **My Susterbruid**, hoeveel beter is **U liefde** as wyn en die aroma van U salt as al

die speserye!

4:11 Heuningstroop drup van U lippe af, Bruid, **heuning en melk** is onder U tong, en die aroma van U klere is soos die aroma van die Libanon. [Odes van Salomo 30:4; JeshajaH 51:3]

4:12 **My susterbruid is 'n geslote Tuin, 'n geslote Bron, 'n verseë尔de Fontein.** [JeshajaH 51:3]

5:1 [DIE MAN:] EK het in My Tuin gekom, My susterbruid, Ek het My mirre met My balsem gepluk, Ek het geëet van My heuningkoek met My **heuning**, Ek het gedrink My **wyn** met My **melk**; eet, vriende, drink en word vrolik, bemindes. [2 Nikodémus 5:1]

5:2 Ek het geslaap, maar My Hart het gewaak. Hoor, My Beminde klop: Maak vir My oop, **My suster, My vriendin, My Duif, My rasegtel!** Want My hoof is vol Dou, My haarlokke vol nagdruppels. [Psalm 74:18; 2 Ezra 2:15]

5:3 **Ek het My kleed uitgetrek, hoe kan Ek hom weer aantrek? Ek het My voete gewas, hoe kan Ek hulle weer vuil maak?** [JeHôWganan 13:8]

5:4 [DIE VROU:] My Beminde het Sy hand deur die **deuropening** gesteek; toe het My binneste oor Hom in beroering gekom; [2 Nikodémus 5:1]

5:5 Ek het opgestaan om vir My Beminde **oop te maak**, terwyl My hande drup van mirre en My vingers van vloeiente mirre op die handpalms van die grendel. [Wysheid van Sirah 24:15]